

ZAGORKA GOSPAVIĆ

MENADŽMENT U GEODEZIJI



Univerzitetski profesor, izvršni poznavaoč polja menadžmenta i tehnologije geodetskih radova i upravljanja projektima u geodeziji, prof.dr.sc. Zagorka Gospavić, priredila je novu knjigu / univerzitetski udžbenik pod naslovom „Menadžment u geodeziji“. Knjiga je izašla u izdanju Građevinskog fakulteta Univerziteta u Beogradu, krajem 2010. godine. Knjiga sadrži ukupno 406 stranica teksta, slika, grafikona i tabelarnih prikaza.

Ovo djelo je temeljeno na svjetskoj relevantnoj literaturi i vlastitim istraživanjima autorice, koja je u nju ugradila svoje bogato praktično iskustvo, naučna i stručna znanja te postignute rezultate koji su objavljeni u njenim brojnim stručnim i naučnim radovima.

Namjera knjige je da se pruže relevantna i aktuelna znanja iz oblasti menadžmenta, prvenstveno studentima akademskih studija geodezije, koji će biti sudionici realizacije raznovrsnih projekata, kroz rad u različitim

privrednim subjektima i javnom sektoru. Također, cilj autorice bio je da stručnjacima iz prakse ukaže na važnost i neophodnost poznavanja pravila i principa menadžmenta.

Obrađena materija podijeljena je u pet tematskih cjelina sa ukupno 11 poglavlja.

Prvi dio obrađuje osnovne principe menadžmenta, privredno društvo, posebne oblasti menadžmenta, pitanje tradicionalnih i novih organizacionih formi privrednih društava, kao i ekonomsku analizu uspjehnosti poslovanja istih.

Problematika metodologije upravljanja projektima opisana je u drugom dijelu. Ovdje se detaljno govori o investicionim projektima u kojima su geodetski inženjeri učesnici u različitim fazama projekata i s različitim nivoom učešća.

U trećem dijelu knjige obrađen je biznis plan kao univerzalni model kod procjenjivanja opravdanosti za nova ulaganja, kreditiranje novih programa i slično.

Četvrti dio donosi specifičnosti organizacije i funkcionisanja geodetske djelatnosti kao posebne privredne grane, aspekt geodetske djelatnosti kao dijela državne uprave i aspekt geodetske djelatnosti kao privrednih subjekata. Također su prikazani modeli organizacija geodetske službe u nekoliko evropskih država.

U petom dijelu obrađena je budućnost menadžmenta sa aspekta dosadašnjih saznanja i projekcije i percepcije budućnosti, koliko je to moguće.

Recenzenti prof.dr.Manojlo Miladinović i prof.dr. Dejan Kovačević su istakli da ova knjiga predstavlja izuzetno vrijedan doprinos u prikazu materije iz oblasti menadžmenta u geodeziji. Naglasili su da je autorica uspjela da naučne i teoretske postavke menadžmenta do nivoa ključnih procesa slikovito i praktično predstavi u geodetskoj praksi, što knjizi daje posebnu vrijednost.

Nedim Tuno